

山川二

湖南全省掌故備考
丑

山
川
二

湖南全省建設備展
且

湖南全省掌故備考卷六

山川二

永州府

高山 零陵縣城東有石青色林木皆百年物亦名東山宋張栻有
記

萬石山 城內九域志零陵有萬石山山多怪石下瞰碧活

香零山 縣東瀟水中產香草名零陵香唐世上供郡人苦之刺史
韋宙奏罷

陽明山 縣東山最高朝陽始出而山已明故名多石少土其麓險
絕無徑可登

西山 縣西柳宗元記攀援而登凡數州之上壤皆在衽席之下其
高下之勢呀然窪然若垤若穴尺寸千里攢蹙累積

零虛山

縣西山下皆空洞故名有青蓮峽聽泉亭小有洞天卷湖

一峰諸勝

小石城山

縣西柳宗元記踰黃茅嶺而下土斷川分有石橫當其

垠爲睥睨梁欂之形

石竇山

縣北元和志云呂蒙所築

福田山

縣東北山下有石眼出泉名如意泉舊置福田寨於此宋

熙寧六年廢

石角山

縣東北連屬十里小石峰竒峭如畫唐柳宗元詩石角恣

幽步

焦山 縣西北相傳爲舜南巡所憇之處

羣玉山 縣西南山石皆白故名上有德星巖又有洞曰宅仙宋董

君誼有宅仙洞記

永山 縣西南永水出焉州因以名

華嚴巖 縣南唐爲石門精室據法華寺南嶠巖下柳宗元有石門

精室詩

澹巖 縣南一名澹山巖盤伏兩江之間周迴二百里中有岩竇可

容萬夫古有老人處其下以澹氏稱因名未黃庭堅鄒浩題詩柳
拱辰胡寅有記又秦始皇時有周貞實隱此三召不起營丹解

火星巖

縣西南地勝景清爲零陵最奇絕處明嘉靖中改名德星

巖

朝陽巖

縣西江嶺唐元結維舟巖下以其地高而東向遂名朝陽
結有銘又有朝陽巖下歌柳宗元及宋黃庭堅邢恕蔣之奇張浚
有詩後有祠祀唐宋謫官

柳巖

縣愚溪右以柳宗元嘗遊此故名

丹巖

縣南石色如丹元結錦瀧山未盡瀧水猶峻忽見淵洄州崖

千仞一名赤石洞

小邱

縣西生竹樹多石突怒偃蹇爭爲奇狀唐柳宗元有記

東邱

縣治西南龍興寺內柳宗元記邱之幽幽可以處休邱之脊

皆可以觀妙海暑遁去茲邱之下大和不遷茲邱之巔奧乎茲邱孰從我游

龍洞 縣西南有四十八源唐末盜起唐世旻團結鄉兵保此馬殷攻之不屈死後常聞有鉦鼓声有木白洞流出止於石荆岸人遂之中流詰旦復返遂取木像而洞之

承平洞 縣西南林嶺深邃相傳中有野人宋咸平間有一雌者突入田中禽一少年負去置洞岩中與之臥起旣而逃歸

雲莊石 縣南進賢鄉乱石如雲大若奔雷小若撓墨

化石 縣南昔淮南王兵敗被逐至此化為石狀如人立

灘鴈石 府治依山一石狀若水禽唐人刻此三字於上

魚壤 縣南故龍興寺中狀若鵝吻色若青石柳宗元記寺東北陬

有堂地隆然負磚甃而起廣四步高一尺五寸人夷之則死

湘江

詳見水道

縣北中有穴名大瀆每春夏江漲數百步外皆奔入穴

中有声如雷朱開室中有崑崙沈水視之但見歷年所沈板木縱橫其間兩畔大如車輪見輿地紀勝

瀟水

詳見水道

在城外柳宗元愚溪詩序以愚觸罪謫瀟水上凡域志

零陵有瀟水或曰水經瀟湘之浦瀟者水清深也繹其大指猶曰清湘云爾非二水也

東湖 縣東山西唐刺史李衡創芙蓉堂於其上宋范純仁寓此後

人因建思池堂明爲宗藩所占今復歸於官

桴江 縣南卽羲水由丹崖沿江東上奇奧幽省不減黃溪中多名材美樹野人采以爲桴故名

黃溪 縣東柳宗元記環永之治百里其間名山水而邨者以百數黃溪最善宗元有人黃溪聞猿詩宋歐陽修有黃溪夜泊詩

愚溪 縣西柳宗元序灌水之陽有溪焉或曰冉氏嘗居也故曰冉溪或曰可以染也故謂之染溪今予家是溪凡爲愚者莫我若也得專而名焉作八愚詩紀於溪石上又有愚溪對及初夏雨後尋愚溪等詩劉禹錫有傷愚溪詩

高溪 縣北沿江二十四磯宋有唐叟操舟獨釣幾三十年人遺以金輒施於眾楊萬里爲建高風亭

都溪 縣境水經注都溪水出春陵縣北縣有五山山有一溪五水

會於溪門故曰都溪

鉛鋤潭 縣西柳宗元記西山西旁廣而中深其清而平者且十畝
有樹環焉

小石潭 縣西柳宗元記小邱西行百二十步見小潭水尤清冽泉
石以爲底

石澗 在袁家渴上柳宗元有記

石鐘灘 縣北石皆片斷綴狀如鐘筏成云秦始皇造橋海上有異
人乘鐘往助始皇死乃棄去

石澗之南柳宗元記自渴西南行不百步得石渠民橋其

上有泉幽然其鳴乍大乍細

蒲洲 縣東南蒲水之涯柳宗元有登蒲洲石磯詩

浮洲 縣西北瀟湘合流處洲大不過一弓地翠竹加卉浮於水上
春流浩淼未嘗沒故名

袁家渴 縣南柳宗元記出朝陽崖東南水行至蕪江可取者三莫
若袁家渴記又云楚越之間方言謂水之反流者爲渴音若衣褐
之褰宋江藻有遊袁家渴鉤鈎潭詩

鐵鑪步 縣北唐柳宗元記江之澌凡舟可縻而上下者曰步永州
北郭有步曰鐵鑪蓋嘗有煨鐵者居其人去而其號冒而存按青
箱雜記嶺南以水津爲步今人改爲埠

南池 縣東一名瑞蓮池晉時嘗產並蒂蓮於此柳宗元有陪崔史

君游燕南池序

墨池 縣東唐僧懷素於綠天庵種蕉學書洗筆於此池水皆黑池
畔有蕉葉石

紫崖井 縣北宋張浚居此所浚紫崖浚別字也

呂虎井 城東山上吳呂蒙嘗駐兵於此插劒泉湧以其威勇似虎
故名

祁山 祁陽縣北與眾山環裹縣治遠望如城壁縣因以名

熊羆山 縣北崖壑深邃舊傳有羆居之一名黃羆嶺宋范成大元

傳若金有詩

包山 縣西昔有包姓者居其下

烏符山 縣北元劉國傑許平永浴相要地爲三屯衡曰清化永曰烏符武岡曰白倉選眾耕屯使城不得復爲巢穴烏符卽此

白鶴山 縣東北昔楚白公出奔避於此有元孫改姓屈名處靜者修煉得道乘鶴上昇有仙壇仙竈存焉

石燕山 縣境水經注山有石紺而狀燕因以名山其石或大或小若母子焉及其雷風相薄則頡頏羣飛如真燕矣元和志云山出石燕充藥

四望山 縣西北山最高望見衡郡永道四郡故名元成宗時湖南盜詹一仔嘯聚四望山爲劉國傑所破卽此上有四明寺

栖真岩 縣北頂有竅透漏天日過石門有石田九區旁出一泉可引以溉田明陳斗有記

東崖 縣嵒臺東與石屏石門相對唐元結銘云嵒臺蒼蒼西崖雲端亭午崖下清陰更寒可容枕席何事不安

雷洞 縣西高大容數百人南有石門有泉湧石竅下名雷澤舊建道觀於上亦曰雷壇

鏡石 在磨崖碑左方二尺黑光如五以溪水拭之可鑑鬚髮昔有竊去者光頓暗歸之明徹如故明解縉有詩

浯溪 縣西南源出双井水石奇絕唐刺史元結家此爲銘湖石作大唐中興顏真卿大書刻崖上陸容云浯溪嵒臺唐亭皆在縣

南命名制字始於元結其曰吾者旌吾獨有也王邕有後浯溪銘
宋楊萬里有賦明錢邦芭有詔唐元友讓皇甫湜蔡京鄭谷宋柳
應辰米芾黃庭堅張栻范成大邢恕折彥質元馬祖常傅君金明
故隣許宗魯等有詩

龜潭 縣東層崖峭刻盤石浮水面如龜昔人刻龜潭二字於上

湍浪灘 縣東相傳底有瓦鍋一瓦鐘一鍋鳴則旱鐘鳴則雨

甘泉 縣北味極清冽隨汲隨滿應供一方宋鄒浩銘云山下出泉
其目如醴并冽而食大國百里

寒泉 縣西南元結銘序湘江西峰平陽江口泉出於石穴當暑大
寒故命曰寒泉

高山 東安縣西北五峰突出石有宋刻尙存有幽巖自外達內凡九門門隔一洞極深遠明余埕有幽岩記

八十四渡山 縣北山根迤邐不斷四十餘里盧洪水出焉周迴曲折人經此者凡八十四涉因名

栽眉山 縣東北山形陡絕巖嶂參差頂有流泉可溉田

黃華山 縣境有獵者於此見二鹿有人問云見二馬否答曰但見二鹿人云吾爲虞帝王至衡山與安上道士相聞是吾馬也見寰

宇記

諸葛嶺 縣南相傳漢諸葛嘗駐兵於此壁壘跡尙存

九龍岩 縣北山形陡起奇石錯立循磴而下有陳僅可容身其中

廣闕相傳有樵者遇黃衣九士謂曰吾九龍居此久矣言訖不見
宋王觀有詩

五峰崖 縣西北崖石布列如河圖宋張茂詩凭高林野依稀盡望
闕雲天繚繞環

嘯崖 縣西北崖內爲洞者六有石田石門石柱宋周裕詩萬窟藏
雲造化寬仙源路在小江干

沈香潭 縣東壁上舊有沈香樹明解縉詩香潭則影三峰落白荻
洲邊二水長

虞山 道州西山上有舜廟唐刺史元結建

安定山 州西俗名安心寨麓有周愔頤故宅山西石壁刻道山二